

人物志

名臣

宣城

漢呂蓋

字君玉宛陵人永元九年十一月癸卯由光祿勳遷司徒十三年十一月罷據後漢書和帝本紀增

宋梅詢

字昌言五代時祖掾宣城因家焉端拱己丑進士及第歷秘書省著作佐郎御史臺推勘官咸平初與考進士

於崇政殿真宗過殿廬奇其占對詳敏召試中書除集賢院賜緋衣銀魚時契丹數寇河北李繼遷攻靈州急詢上書議以朔方授潘羅支使自圖取問誰可使詢請行上不欲使蹈兵間詢對曰苟可活靈州罷西兵詢一人足惜耶上壯而使之未至靈州沒還為三司戶部判官屢陳西北事請大臣臨邊督戰募遊手擊賊又論曹瑋馬知節才可用會河西平河北兵亦解詢遂見疎不用坐斷田訟失寔降判杭州徙知蘇州就徙兩浙轉運副使判三司開折司坐議天書出知濠州

寧國府志

卷二十六

人物志 名臣

為湖北轉運使時諸州秋旱疏請賑饑民以假驛馬降判襄州知鄂州徙蘇州為陝西轉運使時靈州棄久詢與秦州大將曹瑋尋得葫蘆河一路可趨靈州因疏請移瑋環慶以圖討賊復置懷州團練副使又以善寇準徙池州知廣德軍歷楚壽陝州復直集賢院遷工部郎奏乞罷珠玉匠勅從之改直昭文館知荆南擢龍圖閣待制糾察在京刑獄歷龍圖閣樞密直學士知通進銀臺司判流內銓進劄子論帝王為學之本改翰林侍讀學士兼羣牧使累遷給事中知審官院仁宗御邇英閣讀正說養民篇覽歷代戶口登耗顧謂侍臣今天下民籍幾何詢對曰先帝所作益述先代帝王恭儉有節則戶口充羨賦歛無藝則版圖衰減作鑒後王五代生齒凋耗賴祖宗休養天下戶口益倍於前矣因詔三司及編修院檢閱以聞病足出知許州卒詢好學有才辨少能慷慨見奇自以蒙遇主知雅意經世初真宗嘗欲命知制誥李沆言其望輕不可用蓋靈州之役詢嘗與沆異指諭者以靈武藩扞中國西會所必爭沆賢相不當議棄靈州詢在許昌繼遷孫復以河西叛朝廷出師邊陲而詢已老不復言兵西亦無息肩之日矣著有集二十卷王安國序歐陽修志其墓了五鼎臣舉進士歷翰林學士飛白書墨莊二字賜之曰美卿世居文翰之地也寶臣領鄉薦先卒得臣殿中丞輔臣衛尉寺丞

清臣歷司門郎中
宋史本傳

魏良臣

字道弼溧水人徙居宣城宣和辛丑登進士調丹徒尉徽宗南巡良臣疏請還闕不報移壽昌令召對擢

吏部員外郎金人犯淮高宗以良臣可屬大事命行成會邊臣驟襲金軍兀術怒曰使者以盟羈我良臣對曰始朝廷議

定乃遣其後恐易相臣或邊將覬功願早定計報天子不則死無恨金人遣歸如約出知漳州未赴歷遷左右司檢正權

吏部侍郎後復使金兀術頗有意悔盟良臣請觀國書曰分准書守初議也今欲界長江非所敢知執論久之得竟從初

議秦檜稍息之出知池廬二府檜死召拜參知政事首請出衣冠之囚歸變瘴之寃遂特起淹抑詔追無虛日時軍政寢

弛於是核軍實禁工役罷賈觀聽一新然羣邪側目竟以資政殿學士出知紹興府尋詔錄宮祠自便起知宣州歷潭

洪二州卒良臣偉儀幹厲志當世居大位不久舉錯可觀贈左光祿大夫諡敏肅子伯友仲恭叔介皆貴 乾隆府志

吳淵

字道夫柔勝仲子幼端重力學五歲喪母哀慕如成人登嘉定七年進士調建德簿丞相史彌遠與語謂淵國

器欲授開化尉淵辭親在當稟命彌遠聞之改容不復強尋就辟合江東九郡之寃訟於諸使者皆乞送淵改差浙東制

寧國府志

卷二十六

人物志 名臣

二

置司幹辦公事居外銀詔以前職起復力辭且貽書政府曰人道莫大於事親事親莫大於送死苟冒哀求榮則平生大

節已掃地矣他日何以事君時史嵩之方起復或曰得無碍時寧平淵弗顧敕許之服闋差浙東提舉幹辦公事歷直煥

章閣知平江府兼節制許浦水軍提點浙西刑獄會衢嚴盜起警報至調遣將士招捕之以功累進右文殿修撰兼右司

檢正適政府欲用兵中原以據關守河為說淵謂國家力未能取即取之亦不能守丞相鄭清之不悅出知江州未幾邊

事一如淵言清之致書遜謝差知鎮江兼總領歷寶章閣直學總領以功遷大府少卿歷權工兵戶部侍郎再以總領兼知

鎮江入對陳九事御史唐璘擊之遂仍前職提舉太平興國宮久之加寶章閣待制復起知鎮江兼總領歷寶章閣直學

士知太平兼江東轉運使兩淮流民入境者四十餘萬淵亟撫而濟之便令土著境內肅然加華文閣直學士工部尚書

歷沿江制置副使兼提舉南康軍節制斬黃安慶屯田使湖南峒寇入江右袁洪大震淵命將討平遷兵部尚書知平

江兼浙西兩淮發運使淵前知隆興鎮江及今平江歲並大禮淵全活者百八十餘萬人歷進端明殿學士沿江制置江

東安撫使知建康兼行宮留守節制和州無為安慶屯田使朝廷付淵以光豐斬黃之事凡規司空山燕家山余剛臺三

大嵒嵒峨山鷹山什子山等二十二小嵒分列隊伍星聯棋
布詔以淵所列二十五事究心軍民拜資政殿大學士恩例
封金陵侯賜褒繡堂忠勤樓大字進爵為公歷觀文殿學士
兼總領湖廣江西財賦湖北西軍馬錢糧調兵二萬往援
川蜀其後力戰於白河沮河玉泉以功拜叅知政事越七日
卒贈少師諡莊敏賜銀絹五百計淵有材畧尚氣節所至興
學養士然政尚嚴酷故時有蜈蚣之謠著
有易解及退菴文集奏議 宋史本傳

吳潛 字毅夫柔勝季子登嘉定十年進士第一授承事郎簽
災之由願陛下齋戒修省恐懼對越必使國人孚信毋徒減
膳撤樂而已闕宦女寵願勿親昵明詔二三大臣力改弦轍
收召賢哲屏斥貪羨庶幾天意可回天災可息又言重地要
區當預蓄人才以備患貽書丞相史彌遠論格君心節奉給
恤都民用老成選良將革吏弊六事歷太常少卿淮西總領
又白政府金人既滅與北為鄰當以和為形以守為實以戰
為應今內地荼毒不宜輕啟兵端其後淮師敗亡皆如潛言
遷太府卿兼權沿江制置知建康府江東安撫留守疏論保
蜀襄防江海進取有甚難者三事端平初詔求直言潛陳顧
天命植國本篤人倫正學術畜人才恤民力邊事當鑒前轍

寧國府志

卷二十六

人物志

名臣

三

楮幣當權新制盜賊當探禍端而圖長策九事件時相奉祠
改秘閣修撰太常少卿奏造斛斗輸諸郡租寬恤人戶培植
根本凡十五事知太平言和戰成敗大計宜急救襄陽京西
既失當招取京淮精兵以保江西權工部侍郎知江州辭不
赴請養宗子以繫國本鎮人心改權兵部侍郎兼檢正上言
襄漢潰決與沔破亡兩淮俶擾三川陷沒望陛下念大業將
傾士習已壞警於有位各勵至公則危者尚可安而衰證尚
可起也試工部侍郎知慶元府兼沿海制置使改知平江條
具財用凋敝本末以寬郡民與轉運使王堃爭論利害歷試
戶部侍郎准東總領知鎮江府言邊儲防禦等十五事權兵
部尚書浙西制置使申論防拓江海團結措置等事進工部
尚書改吏部尚書知臨安府再乞選近族侯太子之生帝嘉
納兼侍讀經筵歷簽書樞密院事封金陵郡侯以早乞免召
兼叅知政事入對言國家今日之病不但倉扁望之而驚即
庸醫亦望而驚矣願篤任元老以為醫師博采眾益以為醫
工使臣輩得効牛溲馬勃之助淳祐十一年入為叅知政事
拜右丞相兼樞密使明年以水災罷又四年授沿海制置大
使判慶元府條具軍民久遠計又積錢百四十七萬有奇代
民輸帛前後蠲逋稅五百四十九萬有奇丐祠封崇國公判
寧國府以禮泉觀使兼侍讀召入對論畏天命結人心進賢

才通下情進左丞相改封許國公元兵渡江攻鄂州別將由
大理下交趾破廣西湖南諸郡潛奏今鄂渚被兵湖南擾動
良由姦儉虛議迷國誤軍臣年將七十捐軀致命所不敢辭
所深痛者臣交任之口上流之兵已踰黃漢廣右之兵已陷
賓柳謂臣壞天下事亦可哀已又論近年公道晦蝕忠嘉絕
響天怒人怨而陛下不察積為宗社之憂因劾章鑒高鑄丁
大全沈交等不報屬將立度宗為太子潛密奏云臣無孺遠
之才忠王無陛下之福帝怒潛卒以交論劾落職命下中書
舍人洪芹繳還詞頭不報責授化州團練使循州安置潛預
卜死日語人曰吾將逝矣夜必雷風大作已而果然四鼓閉
霽撰遺表作詩頌端坐而逝循人聞之咨嗟悲痛德祐初追
復原官贈少師史稱潛忠亮剛直建儲之議必以正對人臣
懷顧望為子孫地者安能為斯言哉才長於奏對凡
三百餘疏載入世孫宗周所為年譜中 宋史本傳

元貢師泰

字泰甫奎季子蚤肄業國子學為諸生泰定四年擢
第歷應奉翰林文字丁內艱服闋除紹興路推官山

陰白洋港有大船飄近岸史甲二十人適取鹵海濱見其無
主因取其篙櫂船中有二死人有徐乙者怪其無物而有死
人稱為史等所劫史備富民高丙家事遂連高史既誣服高
亦就逮師泰密詢之則里中沈丁載物抵抗而回漁者張網

寧國府志

卷二十六

人物志 名臣

四

海中因盜網中魚為漁者所殺其冤始自游徼徐裕以巡鹽
為名肆暴村落間一日遇諸暨商奪其所齎錢撲殺之投屍
於水稱私鹽犯畏罪自溺告縣官檢視有傷以疑獄釋師泰
覆按之具得裕殺人狀餘姚孫國賓獲姚甲造偽鈔受賂釋
之執高乙魯丙赴所司誣以同造高但為姚行用實非自造
孫既舍姚因加罪於高魯與孫有隙故連及師泰詰之辭屈
而情見即釋魯坐高以本罪姚論死孫亦就法其詳讞之明
多賴此秩滿復入翰林為應奉預修后妃功臣列傳歷翰林
待制國子司業拜監察御史元制臺省之職斥南人不用南
人居臺省自師泰始至正十四年除吏部侍郎江淮兵起京
師乏食詔師泰和羅浙右得糧百萬石遷兵部侍郎巡視上
都驛戶驗其貧富均其徭役數十郡之民賴以稍蘇豪貴深
嫉之會仍和羅浙西遂除師泰都水庸田使十五年遷福建
廉訪使除禮部尚書未赴調平江路總管甫視事張士誠兵
渡江圍城明年春守將弗能支斬關遁去師泰領義兵力戰
不敵亦懷印綬棄城去匿海濱者久之士誠既納降江浙行
省丞相達識帖睦迺以便宜授師泰兩浙都轉鹽運使至則
剔積蠹通利源大課以集二十年除戶部尚書俾分部閩中
以鹽易糧給京師凡數十萬石二十二年召為秘書卿行次
海寧卒師泰性倜儻儀狀偉然以文學知名而優於政事所

至著績喜推轂後進士終翁然歸之著有詩
經補註友迂玩齋蠟窟閩南東軒諸集行世

按舊志作天歷二年擢第元史本傳作泰定四年宣城志

亦作泰定丁卯李黼榜自應以史為正

明張綸字大經湖廣桑政煜之孫煜父當成邊煜自請行朝廷

順天鄉薦成化甲辰舉進士知隴山縣誅鋤豪惡奪貴戚侵

田擢監察御史巡通州倉故人自苞直謁者謝弗見嘗按

真定諸郡平鄉令欲增淤田稅百餘項檄報淤決不常不可

遺民患陞光祿少卿歷大理寺卿興襄二府爭灘地連逮七

十二家久不決綸為調停奏上之事遂定改刑部左侍郎奉

詔推治博野慶成二王獄稱旨降勅褒諭累官至右都御史

時政柄下移中官用事正德十六年綸奏惡黨秦用等當誅

不可赦連及巨璫蕭敬等從中間之月餘不下因乞致仕許

之還宣城卒贈太子少保綸筮仕所職必求稱在言路持論

必持大體恥毛舉以為名李東陽稱其善自樹立非狗世浮

沉者可望也著有出巡錄憲臺奏稿棘臺駁稿敬亭文集子

乾幹韓乾領順天鄉薦仕至南京戶部員外郎遼府長史幹

寧國府志

卷二十六

人物志 名臣 五

亦領鄉薦南京大理司務韓
蔭即墨知縣 乾隆府志

梅守德字純甫少雋與同郡周怡善吏部尚書李默判郡

族多闕出中國貨姦民互市鈞致倭寇守德請御史下其事

按治勢家屏息郡賴以安擢戶部主事監徐州倉時輔臣嚴

嵩威虐朝士給事周怡御史楊爵員外劉魁以忤繫詔獄守

德作三君詠寄之改吏科給事中彈劾益有聲府尹胡奎因

嵩戚驟遷工部侍郎力疏其貪狀以聞方士徐可成與嵩比

以禱祀得幸為太常卿又疏駁弗許嵩銜之轉戶科給事中

册封道藩出知紹興府時兩浙倭熾數殺守臣嵩表守德材

畧遂有是命實濟之危地也守德怡然就道繕城蒐卒與學
教士均田賦核湖稅民稱便陞山東曹濮兵備副使改督本
省學政世宗方勤醮祝令陶真人祈年泰山陶恬寵有所于
請斥弗為禮遷雲南參政以母老不赴歸建書院講學世稱
宛溪先生隆慶中屢薦不起守德敦文學尚氣節居垣中多
所建明見忌權姦故不得大用著有寧國府志徐州志宣風
集古今家誠無文漫草等書子鼎祚見文苑傳 同上
徐元太字汝賢嘉靖乙丑進士知江山縣丁內艱服闋補魏
縣政績卓異擢吏部主事嘗分校萬歷丁丑開試所

拔皆名士時首輔張居正怙勢薰灼其子弟就試主司相戒勿遺元太獨持論非之得懋修卷並摘其紙謬置勿錄事竣率臣以積郤擢元太取同邑沈懋學為嫌將諷御史論之會廷對上親擢懋學第一事遂寢左遷山東泰政居正疾甚巡撫及諸藩臬禱於岱元太又獨不往祗大慚改陝西按察使思中以危法值居正歿稍遷至順天府尹都察院右副都御史時蜀中河東楊柳寨酋喇嘛與灣仲占柯等族擁眾入平裔堡大肆殺掠河西偏頭小娃諸部皆應之西南大震事聞以元太巡撫四川至則指授方畧謂二寇雖成犄角勢河東尤桀黠首禍剪此河西可不戰而下也遂檄西陽播州馬叙平茶土漢兵急擊之生擒喇嘛灣仲復擊斬占柯連拔諸砦焚礮房千六百有奇生擒賊魁三十餘人餘賊以千計羣番震驚不敢為患明年建昌趙嵩馬湖撤假諸酋復大逞元太悉討平之拓地九百餘里以功進兵部右侍郎廕一子歷刑部左侍郎轉戶部總督倉場加正二品服俸權知兵部左侍郎事陞南京刑部尚書遂乞歸家居十餘年卒元太狀貌嶽嶽丰稜嚴正於書無所不讀尤曉暢軍事鎮蜀數載勛畧為人所傳頌大學士劉宇亮為作傳平番紀功諸碑著有史鑿吟易編喻林撫蜀奏議等書子臣慶萬歷壬午鄉薦工詩早卒有白龍草廷慶廕未仕之慶刑部郎中探明史李

寧國府志

卷二十六

人物志

名臣

六

應祥傳及乾隆府志合纂

徐大任

字重夫隆慶戊辰進士授工部主事留心國儲歲汰水衡冗費數十萬繕奉命權稅真州羨入悉却不受

免宣船回空遞役之苦秩滿籠中惟敝衣數襲歷官中外皆以廉稱嘗權知京兆尹事出俸錢置學田數百畝贍太學生徒多所獎植以工部侍郎致仕歸大任研究理學清介恭謹雖位列卿貳所居僅蔽風雨神宗嘗稱其清節為天下第一時人比之范滂燕云弟大望萬歷戊辰進士知番禹縣亦以廉稱乾隆府志

詹沂

字浴之隆慶辛未進士授新建知縣有惠政徵拜南吏科給事中值星變上疏修實政以應天警糾政府私人

十餘人沂宰臣張居正所取士也奪情議起南省臣希旨乞留疏具沂不肯署曰事繫綱常吾不能媚宰相取姍後世及居正給假治喪畢南中疏趣還朝沂曰彼未有終喪意趣之何為居正頗憾之遷山東副使尋議裁革冗員置沂革籍中勒歸里起知奉化縣轉祠部員外郎遷光祿丞歷南尚寶太常太僕卿權應天府尹事應天歲額絲價數萬例存十一佐公費却不受擢都察院左副都御史會勘妖書獄株連數十人沂與戶部尚書趙世卿禮部侍郎李廷機私於時相曰一

嫩生光可以蔽獄矣羅織其可既乎事乃解時咸寧令滿朝
薦以事忤瑞被收沂固請得釋楚藩之變陳善後事宜凡親
王違制撫按皆得以白簡從事乞增入勅內從之一日除夕
上謂左右曰此時廷臣受外觀官書帕開宴打關惟侍郎楊
時喬李廷機副都詹沂三人清寂可念數召對賜羊酒銀幣
其爲上所不知如此累疏乞歸不可遂解組封印出國門候命
上優許之有潔身忘義之旨明大臣未有挂冠行者挂冠自
沂始歸卽以潔身名其堂分祿贍族人年八十三卒贈左都
御史賜全祭葬沂質畧簡易恂恂退讓而自任風紀之重屹
不可奪長子應鵬詳宦業次子應鳳廩例生有文學以行誼
稱於鄉 採吳肅公傳

沈懋學

字君典侍御史寵子性跌宕風骨奇矯工草隸詩古
文詞善騎射數往來塞上談時事人多奇之萬歷丁

丑進士廷對第一授翰林修撰嘗應詔賦宣宗元兔圖詩稱
旨御書謹言行明義禮六字以賜眷遇日優會輔臣張居正
以母喪奪情臺省希旨保留懋學奮然與同列趙用賢吳中
行輩約各上疏論列吳趙疏先入被旨廷杖懋學急持章往
救大畧謂元輔之去留爲天常所係言官之忠佞爲國是所
關臣觀某等所言誠不忍居正陷於不孝言官陷於不忠耳

寧國府志

卷二十六

人物志 名臣 七

今赫然震怒撤直臣正士之氣雖有良謀至計誰肯爲陛下
言者語甚剴切袖入長安門格不得上居正子嗣修同年生
也乃三貽書勸嗣修諫嗣修不能用復貽書工部尚書李幼
孜幼孜報曰若所言宋人腐語趙氏所以不競也張公不奔
喪與揖讓征誅並得聖賢中道暨備安足知之懋學遂引疾
歸居正聞之恚甚將圖中之偶同邑生吳仕期爲擬上執政
書中丞胡櫬以誹謗下之獄脅使連懋學吳死不承自是扁
舟野服放浪西湖苕雲間尋登白嶽懋學九華或痛飲歌詩狹
聲伎自汚於數年居正頗悔欲復其官值病卒福王時追諡
文節著有郊居集子有則萬歷庚戌進士詳文苑傳 採明
史本傳及乾
隆府志合纂

張守道

字岸先萬歷甲辰進士授戶部主事視南徐倉有中
使採木過徐役民助輓甚困守道爲捐倉羨以代徭

徐民德之以內艱歸服闋補武選司員外郎朔望必禮揚忠
愍祠刻其奏議蓋忠愍嘗以武選主事抗節死故也所理軍
政精覈異羣僚尋調吏部稽勲司歷驗封考功郎廉謹澄清
時稱水鏡適魏璫煽虐守道毅然乞南還得南太常寺卿諸
貴人謁魏祠如鶩獨守道絕足不入崇正初轉工部侍郎尊
奉先殿及內外城罷蕪關小舫稅兼署戶部度支訓擬餼軍

無遺策以積勞卒詔賜祭葬贈工部尚書廕一子守道謙抑
孝友嘗念其兄雖至破產母卒廬墓三年虎繞其墓三月始
去家居不近姬侍嘗構濯纓亭於澄江橋畔人思其清德云
係廷綱由恩蔭官惠州知府 乾隆府志

國朝梅錫 字爾止康熙丁未進士知大寧縣故凋敝銷起瘡痍勤
政教俗遂大振除監察御史疏論漕艘沿途積弊請釐

剔以裨漕政又以鄉會定限太速請展期詳閱並正文體俱
允行累遷副都御史巡撫福建

聖祖親書摠誠信三字賜之閩西郭外晉時鑿湖瀦水以資蓄泄歲
久而淤歷元明幾為平陸銷按圖經返侵地募民疏濬田廬

不礙浸暘舟楫通行又疏請積穀備賑會歲饑便宜平糶民
賴以濟撫閩三載簡重鎮靜政持大體凡海邇名勝先賢遺

蹟悉加表揚以志景仰琉球歲來貢琛向有私覲例銷却不
受貢使悅服肖像歸祀古田令陳瓊慈惠清介銷疏薦之後

亦撫閩閩人崇祀名宦錫性狷介官四十餘年不置一騷亦
未嘗以家屬自隨杜苞直謝請托雪冤除降清名上達仕至

左都御史致仕歸卒三子昂成安慶府
訓導勗成子裕長中甲辰鄉榜 同上

按江南通志爾止作爾熾大寧作太平

寧國府志 卷二十六 人物志 名臣 八

阮爾詢 字于岳士鵬子康熙壬戌進士由庶常改御史有直
聲湖廣以制府兵變議裁總督詢疏言楚地方數千

里兩巡撫分疆地廣勢懸於形制非便請仍設總督以重彈
壓民間輸賦其印票存民官吏或借核查查為名收票不即給

每以無據重徵請一切串票並用三聯一貯官一存驗一付
民以杜宿弊亳州民李殿機以罪屬入象房後為旗弁僕其

聘妻王氏千里尋夫詢奏給完聚並允行為順天丞以京師
多遊學之士請另設籍錄生童時論建之果官工部左侍郎

賜祭葬 著有南紀堂詩集問庾樓集子正頤廕主事 同上

梅毅成 字玉汝徵君文鼎孫舉人以燕子也幼渾然端重甫
七歲授之算一日而乘除具康熙乙酉徵君

召見於德州毅成侍用泰州陳厚耀薦直 內廷

聖祖稱其能承祖學 御書承學堂額賜之癸巳 賜舉人已未 賜進士入翰林修樂律

歷算書兼主算歷書成乞歸省至家適徵君病逾月卒服除
赴職

世宗嗣位進見即稱善甄別列一等兼充國史會典各館纂修己酉
遷江南道御史巡通州漕果遷通政司參議順天府丞宗人

府丞乾隆丁卯晉左副都御史先是任鴻臚奏真人張遇隆

不得朝曰孔子大聖後裔襲公爵顏曾思孟大賢也襲不過
博士而儒林不勝其榮者尊賢有差等故名器重也真人何
功能膺極封且世襲

詔可之道士禁入朝自此始前後章奏累數十多施行戊辰進刑部
右侍郎拜都察院左都御史壬申補經筵講官明年冬致仕
恭逢

南巡詔曰梅穀成清素可念賜子武舉人一體會試

賜詩有無欲有精神閉門惟教子下榻不延賓之句其為
聖主深知如此穀成性廉約既致仕推宣城舊產畀姪挈家居江寧

賜祭葬諡文穆所著詩文集如干卷奏議如干卷算法歷學諸書已
入四庫全書中子鈐乾隆庚午副貢生宣城籍孫法優貢生
婺源教諭冲庚申舉人上元籍探御史趙青蔡傳增

南陵

宋徐勣

字元功舉進士調吳江尉除桂州教授王師討交趾轉
運使徵勣從軍地瘴險役者多道亡捕得千餘人使勣
杖之勣以羸病不勝杖請涅臂使者怒欲并劾勣勣終不為
奪大將郭逵逗遛不進勣謂副使趙鼎曰帥出淹時主帥無

寧國府志

卷二十六

人物志 名臣

九

詩賦意何由成功因言於朝中謂斷者人主之利器今諸將
幸首鼠不進惟斷自上意而已既而逵高坐貶舒亶將以御
吏薦勣惡亶為人辭不答知建平縣入為諸王宮教授判通
澗瀕海有隄廢不治勣躬率護築民賴其利復教授廣陵申
王院改王府記室參軍哲宗見其文獎之徵以為左右史未
及用徽宗立擢寶文閣待制兼侍講遷中書舍人修神宗實
錄時紹聖黨尚在朝帝謂勣朕每聽臣僚進對非詐則諛惟
卿鯁直朕所倚賴因論擇相召范純仁韓忠彥勣頓首賀曰
得人矣詔同蔡京校五朝寶訓勣恥與京伍固辭奏京惡引
盧杞為喻遷給事中翰林學士上疏陳時要任賢求諫選用
破朋黨明功罪六事國史久不成勣言由元祐紹聖史臣好
惡不同范祖禹等專主司馬光蔡京兄弟純用王安石議論
紛然宜悉取當時輔相家藏紀錄參訂是非勒成大典帝然
之命勣草詔帝初銳欲損革新法曾布乃密陳紹述之說帝
不決以問勣勣曰聖意非欲兩存乎今是非未定若不考實
始務兩存未見其可又論棄渥中請自今勿妄興邊事京以
勣何執中宮即舊僚曲意事之勣不少降尋請歸省或言
學上未有出外者帝曰勣告歸耳非去朝廷也奈何輕奪之
以而居喪京入輔執中亦預政擢勣行章惇詞為詆先烈服
賜主營靈仙觀入黨籍起知江寧府復論罷大觀三年知太

平州入覲極論茶鹽法為民病曰生財有道用財有法國用不足在明詔有司講行耳帝曰不見卿久今日乃聞讜言加龍圖閣直學士留守南京蔡京自錢塘召還過宋見勸諷之曰元功遭遇在伯通右伯通既相矣勸笑曰人各有志吾豈以利祿易之哉京慚不能對勸亦終不復用以疾除顯謨閣學士致仕卒年七十九贈資政殿學士 宋史本傳

明

丁鑑字永時永樂中以書法徵入國子監除戶部主事歷陞刑部郎中出為兩浙都轉運使以廉能治行遷天下第一嘗出使徐州傲汲黠事便宜發倉賑饑上賜衣幣宴禮部旌異之擢河南右布政治益有聲景泰立召為刑部左侍郎時進北警報日至詔分遣材望大臣協同鎮撫提督操練鑑獨總理大名河南鳳陽淮安團練義勇為勤王計所過境內災傷設法賑濟遠近德之尋致仕卒賜祭葬 乾隆府志

國朝

劉楷字子端觀察有源孫康熙己未進士授中書舍人陞刑科給事中疏請飭督撫嚴戢訟師轉掌戶科印疏論督撫保舉學臣請停止公明尤著一條又請嚴河臣保題以杜月濫又請嚴戢左道禁止邪說皆先行他所論列未見施行即削稿人不及知而丰裁蹇謬無愧直臣擢通政使參議轉鴻臚卿奉

寧國府志

卷二十六

人物志 名臣 十

命祭告

陝西黃帝以下諸陵屏絕供億還陞右通政轉光祿卿尋致仕 謙以善述自娛楷幼喪父矢願旌母節復條編置義田以贍族後卒成其志陵邑人文日盛楷請當事題 改大學鄉里德之卒年七十二祀鄉賢 同上

涇縣

宋

凌策字子奇少孤貧勵志入廬山同姚鉉力學登雍熙乙酉進士授廣安軍判官改西安節度推官以強幹聞歷左贊善大夫判定州賜緋衣御書歷給實俸李順以川陝叛策自陳三泚蜀境請行即命知蜀州徙綿州加太常博士擢廣西西路轉運使咸平初遷屯田員外郎入為戶部判官先是嶺南輸香藥用郵卒萬人肩負策請陸運至南安汎舟而北省費無算轉職方員外郎直史館賜金紫命知廣州廣英路自吉河趨板步二百里每夏瘴起行旅輒死策請由英州大原洞伐山開道直抵曲江人以為便代還知青州拜都官郎判三司三勾院出知揚州揚江淮歲儉頗有盜賊以策領淮南東路安撫使時洪州水潦王巨壽策可寄方面徙知洪州兼江南轉運使饒州產金禁商市為或有論告逮繫滿獄策請聽民販市官權算人便之祥符中召拜右諫議大夫集賢殿學士知益州兩川錢多盜鑄策請鑄大錢以一當十從之

代還上有意擢用會病命知通進銀臺司兼門下封駁糾察
在京刑獄是秋拜給事中權御史中丞命同李迪呂夷簡議
權禁法視舊稍寬明年疾劇遣使存問賜名藥求典本郡以
工部侍郎知宣州卒錄其子璠璣璠為奉禮郎策勅吏職處
事精密所至有治蹟真宗嘗對王旦言策有子用治蜀敏而
能斷且復稱其性淳質和蒞事強濟且病上問可代者薦策
與李及十餘人策兄簡國子
博士分司南京 宋史本傳

劉琦 字公玉父混景德乙巳進士仕屯田員外郎太子贊善
本宣城人徙涇琦少博學慶歷丙戌登第調分寧簿移

鍾離令大姓陳氏子殺人誣平人求免琦得其賂於死者家
置之去歷績溪舒城清約不擾邑人恩之累遷屯田員外郎
簽書學內軍判官改都官員外郎熙寧初召為侍御史神宗
親題其譜系曰諱室中山裔皇朝侍御家一時恩寵為盛會
城殺州差數入鈔翠琦言棄之使又論皇族推恩無紀請以
禮降殺之浙西漕渠設甚小使者侈其功獲遷被旨置獄東
南官吏震恐琦按治首事者二人而已朝議避之及劾王安
石挾術媚上移意用人變法不當凡十事因并論曾公亮趙
抃畏辟固寵坐貶監處州鹽酒稅司馬光力爭之不得時琦
與劉述錢顛並以謹行洗舟東下酣詠山水為樂改職方員

寧國府志

卷二十六

人物志 名臣

十一

外郎判鄧州按獄唐州致仕歸卒琦立志峻潔銳於為義家
無餘貲琦亡諸子猶借屋以居史稱其窮厄死無悔而聲名

著於天下後世子讀非熊並登
熙寧庚戌進士 宋史本傳

明董傑 字萬英性端謹平居無惰容家食時即以天下為志舉
成化丁未進士時暑月輟講御史湯鼎極論之傑方謁

選亦抗疏爭由是知名除沔陽知州值歲旱調租賑乏民賴
之甫數月會四川饑中書舍人吉人薦湯鼎及知州劉概等
可使上張御史魏璋陳璧希閣臣劉吉指言鼎概及主事李
文祥庶吉士鄒智知州董傑皆黨人互相標榜詆毀時政遂
逮傑等下獄欲盡置之死賴尚書何喬新侍郎彭韶力持之
傑得謫四川行都司都事累陞刑部員外郎中選保定知府
淹獄千餘人甫半月剖決殆盡霸州有盜警傑練兵儲粟民
藉以無恐為立生祠祀之陞山東左叅政歷廣東河南左右
布政正德六年江西盜起巡撫王哲兵敗擢傑右副都御史
代之時宸濠反形已具屢餽遺傑拒不受且時諷以忠義濠
知不可奪每朝見輒留飲一日飲歸語家人曰吾今日飲寧
府酒首眩腹脹豈有異耶次日日歿體皆赤家人不敢言貧不
能發喪有司敬視其篋白金不盈兩戚為嗟歎尋賜祭葬傑
潛心理學時稱孝友忠信嘗作七士辨以明學術邪正歷仕

數十年所在盡職得民心著
有五城文集 乾隆府志

蕭彦字思學隆慶辛未進士除杭州推官萬歷初擢兵科給事中塞上多警邊吏輒假摺降俸賞彦言議招逆黨為

中國連亡設耳奈何招漢北人宜一切報罷從之轉工科給事中閱視陝西四鎮邊務還奏訓兵儲餉十事並允行進戶

科都給事中初行丈量法延寧二鎮益田萬八千餘項議徵賦彥言西北舉荒免科祖制也况二鎮多沙磧奈何定額使

初集流民懷去志遂除前令詔購金珠已停市命輸直內庫彥言不當虛外以實內詔取黃金三千二百兩彥又力請減

平均不從尋上言察吏之道不宜視催科為殿最隆慶五年詔征賦不及八分者停有司俸至萬歷四年又以九分為及

格又令帶征宿負二分是民歲輸十分以上也有司憚考成必重敲朴民力竭則流亡隨之臣以為九分與帶征二議不

宜並行所謂寬一分民受一分之賜也未幾浙撫復以舊例請彥疏爭乃已擢太常少卿以右僉都御史巡撫貴州都勻

答千巖苗叛士官蒙詔不能制彥檄副使楊寅秋破禽之改撫雲南時用師龍川副將鄧子龍不善御素驕之兵餉少緩

遂作亂逼永昌趨大理抵瀾滄過會城彥調土漢兵討之斬首八十撫散脅從事聞資銀幣自緬甸叛孟養車里二宣慰

寧國府志

卷二十六

人物志

名臣

十一

久不貢至是修貢撫納之尋以副都御史撫治鄒陽進兵部右侍郎總制兩廣軍務日本淵朝鮮會暹羅入貢請潛師直

搦日本牽其後尚書石星議從之彥言暹羅處極西去日本萬里安能飛越大海請罷其議星執不從既而暹羅兵卒不

出召拜戶部右侍郎尋卒上聞哀悼賜祭葬贈右都御史諡定肅廕一子彥少從同縣查鐸學有志行服官二十餘年明

習時事所在見稱立朝多讜言四任開府節制諸番恩威並著在黔則破砦禽巨逆在滇則靖亂兵杜暹羅之請皆不動

色折陰萌又雅善文詞多著咏弟雍廣東按察使時稱二蕭詳儒林傳 明史本傳

趙士登字應庸萬歷庚辰進士知武昌縣調黃岡時行清丈及周固方恐諸囚逸視之悉蒲伏庭下曰吾屬罪應死安敢

逋逃為明府憂以治最擢御史出按貴州信安翁傑協謀督撫討平之再按江西歲澇發粟賑貸所全活無算廷議以河

央請加賦士登力持不可竟得免轉河南道掌京察疏請專責成廣咨詢公權衡辨名實不刻嚴以傷善類不疎漏以進

黃綠語具奏贖中陞大理丞進少卿遷僉都御史正己率屬莫敢干以私尋進南吏部右侍郎攝秩宗事因水災疏請修

實政以答天譴又論大僚多曠懼國事叢脞語皆切至卒贈

右都御史廕一子士登平生孝友祖母病革願天請代母歿
勤絕復蘇旦必問父安否遺產悉讓二弟立胡時凡所忤者
有急仍為曲解其度量類如此留心學問服膺薛文清王龍
溪語錄手未嘗釋著有省身至言十卷 乾隆府志

葉永盛 字子木萬歷己丑進士除蘭谿令徵為御史巡視浙
閩虐若等吾力爭不聽且將罷我於上以諸逮繫者相恐吾
善病且死孰與死杖下活若等疏辭愷切上悟不直閣按江
西首糾大僚不法諸貪吏望風解綬闕寺黨連武弁復有京
口儀真獻店設權之議永盛抗疏請斬宵人以安眾心議遂
罷巡長蘆蘆溝諸道薄領股奏訊瀾填委織悉無遺人方之
費祿劉膠之居御史九載疏凡數十上糾闕寺劉成張煜馬
堂懲賊晚李誠總折武弁鄭一麟馬承恩摘巨奸高時夏胡
時順時劉元珍以論沈一貫耽留位人被謫承盛抗章爭之
又嘗劾冢宰孫丕揚掣籤定地非銓法而推重新蔡李建機
有楊綰房杜之節墾屯田千頃請賑金七萬直聲震中外累
陞太僕寺卿卒永盛少孤弱為人所辱其子解之後遇於途
子惶恐謝笑曰吾德若忘若父矣有歸侵地者謝不受曰孤
被奪而貴受之吾不為也若自今無侮孤寡矣鄉有富人坐
譽誣論死餽數百金乞援解盛麾之去而陰為救免同官王

寧國府志

卷二十六

人物志 名臣

十三

嘉賓周家棟旅死厚殮之祿賜分給以親疎為差歷治皆肖
像尸祝焉疏稿四冊載文獻通考子天眷舉人以文行世其
家同

寧國

寧國

孫吳 朱治

字君理故鄣人察孝廉辟從事隨孫堅征伐有功表
行督軍都尉堅薨扶翼策依袁術勸策還平江東策

薨與張昭等尊奉權建安七年權表為九真太守征討夷越
佐定東南截黃巾餘類黃武元年封毗陵侯二年拜安國將
軍金印紫綬徙封故鄣權嘗歎治憂勤王事優異之是時丹
陽深地頻有姦叛亦以年向老思戀故土自表屯故鄣鎮撫
山越諸父老故人莫不詣門治皆引進與其飲晏鄉黨以為
榮歲餘還吳黃武二年卒年六十九 據三國志本傳增

按太平寰宇記漢末分宛陵南鄉置寧國縣吳景帝時屬

故障都是寧國於故鄣為近故以治為寧國名臣之首

明屠羨英

字淳卿嘉靖丙辰進士授戶部主事歷祠祭郎中督
學浙江校士嚴正抑浮華絕干請雖安津朝貴書概

來不省都人士咸心服為萬歷時張居正當國薦陞南光祿卿改太常寺轉祭酒居正移書曰公督學浙中屹然執憲不可奪誠務躬行不事空譚者今在宵監亦當如督學時毋長諸生傲僻也英性故獄益訓所係七風丕變人謂陳文定後一人而已無何居正禁講學英曰官可一日便棄學不可一日不講母為偽學則可耳與同志士大夫會講不設名正丁母憂廷議奪情起復南北部寺卿貳連贖保留請署名英曰今日朝廷可無江陵江陵不可無母朝廷無江陵天下之綱常在江陵無母天下之綱常亡忿然擲筆出時都御史張岳御史朱鴻謨亦論劾呂正准為南畿三鳳會祭酒秩滿當遷上曰屠義英不媿為士楷模當令入掌戎均御書春風化雨蔚為人宗八字賜之尋病乞歸構精舍山居讀書終老居正既歿朝臣交薦堅卧不出卒賜祭葬贈刑部侍郎子四次玟極萬歷庚子丁未以春秋冠兩闈仕終南安知府三玟圭與兄玟極同舉於鄉並稱廉正 乾隆府志

仙克謹 字仲恒幼時有僧奇之曰此兒異日必開府長類慧善讀書尤殫心經術成萬歷丁未進士知隆平縣苦旱捐俸給民穿井七百有二十民立石識之曰仙井邑無城又力城之尋調建安隆民泣送者塞路抵建安會水患多漂

寧國府志

卷二十六

人物志 名臣 十四

謝築堤建橋民困以濟壬子分校闕善品鑒大學士楊景辰大宗伯張維機皆出其門尋擢部曹歷兵部職方司郎中轉山西兵備副使駐陽和邊事孔棘克謹親登陴指揮防禦無遺力敵為奪氣自是五載不敢犯境天子以為能崇正初擢副都御史巡撫山西提督雁門偏頭寧武三關條防邊策洞悉機宜語具三晉奏議中嗣引疾乞歸上以忠勤慰留至再屢疏方許歸築室溪上閉戶罷竿牘置義田立義學十數年卒著有籌勝必覽聲溪藥言等書 同上

旌德

明周希旦

字汝魯嘉靖壬戌進士任興化府推官擢陝西道御

國侍官僚舊恩專恣希旦論之直聲震一時丁艱歸服除臺省交薦起浙江道御史疏請罷內閣定大峪山議以扈蹕幸西山再賜金幣又請止入貨正士習侍經筵賜宴掌河南道計吏甚公巡視京營請補伍足餉遷南尚寶司卿大理寺丞多平反轉應天府丞時苦旱疫希旦兩疏請發金二萬賑濟又多方備粥藥以贍救引年歸卒祀鄉賢 同上

郭建邦 號宣嶽天啟壬戌進士初任行人值璫馱薰灼朝貴競走其門建邦恥之因告歸家居者六年璫敗起官

擢兵科給事中轉吏科凡選將計吏舉賢劾佞敷陳亢直無所避忌遷尚寶司少卿通政司通政適戶部以兵餉孔亟檄加寧廣山稅建邦詣巡按御史力言旌邑山瘠加稅三千餘兩民不堪命御史為疏請得免遷太僕寺卿捐俸八百餘兩助買馬估軍實陞順天府尹勤心撫字會久旱虔禱三日雨隨注冬久雪虔禱雪隨止因疏陳民間疾苦請修補助故事時三輔饑建邦捐俸助賑民戴之如慈母歌頌之再捐俸助修城河工擢工部左右侍郎數召對與枚卜以督工東角樓致疾乞歸卒著有芝林居集詩文六卷祀鄉賢 同上

太平

宋

孫楫 字德操紹興甲戌進士歷判池真郢三州所至以均稅

高宗廷獎曰天下有郵而辦有不郵而辦卿所謂郵而辦者也嘗論公生明上問何以生公對曰廉生公又問何以生廉對曰儉生廉上稱善累遷知太平州尋移温州學官故有秦檜祠楫至承命撤之朱熹稱其愛立而教明古良吏也後韓侂胄用事以秘閣修撰致仕歸 宋史本傳

寧國府志

卷二十六

人物志 名臣

明

崔涯 字若濟八歲能文由嘉靖己丑會魁擢御史遇事敢言

河東條陳鹽政七事歲大禮疏發鹽課七十萬以賑蒲解之民賴以全活繼按福建始下車立糾一墨吏聞風解綬去者七人陳山海十二策悉中利弊比亢早有司禱弗應因疏滯獄從寬恤親禱為守令先霖雨周渥時稱為御史雨尋以劾冢宰汪鋐忤旨見斥會倭寇東南部院臺省薦天下名士三人唐順之鄒守益及涯以老疾固辭築室銅山賦詩終老涯學術醇正始從湛甘泉游叙古文小學構考亭書院奏入羅豫章李延平從祀 文廟清風令德無愧古人著有筆山文集十卷卒祀鄉賢 乾隆府志

周怡

字順之為諸生時嘗曰鼎鑊不避溝壑不忘可以稱士矣不然皆偽也從學於王畿鄒守益登嘉靖戊戌進士

授順德推官舉卓異擢吏科給事中疏劾尚書李如圭張瓚劉天和尋又劾湖廣巡撫陸杰工部尚書甘為霖採木尚書樊繼祖立朝僅一歲所推擊悉當事勢力大臣在廷側目怡益奮不顧會吏部尚書許讚許大學士程繼嚴嵩私屬事帝方嚮嵩反責讓怡上疏曰人臣以盡心報國為忠協力濟事為和未有公卿大臣爭於朝文武大臣爭於邊而能修內治

禦外侮者也大學士鑾嵩與尚書讚互相詆訐而總兵官張鳳周尚文又與總制侍郎翟鵬督餉侍郎趙廷瑞交惡此最不祥事誤國孰甚今陛下日事禱祀而四方災祲未消歲開輸銀之例而府庫未充屢頒蠲租之令而百姓未蘇時下選將練士之命而邊境未寧內則貨財匱而百役興外則寇敵橫而九邊耗乃鑾嵩憑藉寵靈背公營私播弄威福市恩報怨輔臣真知人賢不肖宜明告吏部進之退之不宜挾勢徇私嵩威靈氣燄較轢百司凡有陳奏先探其意旨而後敢聞於陛下中外不畏陛下惟畏嵩久矣鑾澳忍委靡讚雖小心謹畏然不能以直氣正色銷權貴要求之心且直言敢諫之臣於權臣不利於朝廷則大利也御史謝瑜童漢臣以劾嵩故嵩皆假他事罪之諫諍之臣自此箝口雖有檇杭驩兜誰敢復言帝覽疏大怒詔廷杖錮獄三年以乩仙言釋之未幾復逮又三年大高元殿災相傳火光中聞有呼三人忠臣者遂又釋之三人者御史楊爵員外郎劉魁及怡並以言同繫者也隆慶元年以給事擢太常少卿陳新政五事語多刺中貴由是忤旨出為登萊兵備僉事給事中岑用賓為怡訟不納改南京國子司業復召為太常少卿未任卒怡方介峻潔論事輒義形於色推明正學每言至誠無息為大宗屋漏不愧為實用先後繫獄五年屢瀕死日與爵魁切劇講論忘其

寧國府志

卷二十六

人物志

名臣

其

困蓋忠亮天植云天啟初追謚恭節著有訥溪文集二十七卷行於世明史本傳

寧國府志卷二十六

人物志

忠節

宣城縣

晉俞縱

咸和初為桓彝部將蘇峻亂彝遣縱守蘭石與峻將韓晃遇眾寡不敵左右勸其退守縱曰吾受桓侯恩厚吾之不負桓侯猶桓侯之不負國也力戰死寇平贈與國太守晉書

宋王相如

字次卿知微會孫孤貧嗜學年四十不娶或問故曰宏周紫芝相如與焉讌集必與四人俱建炎初江右盜起相如逃匿山中為賊所得州有檄招附賊令屬草報州相如奮髯叱曰吾死不為賊作牒遂遇害一門皆死僧殺達得其遺稿三百七十餘篇號溪堂集周紫芝序稱為仁者之勇云

寧國府志

卷二十六

人物志 忠節

詹友端

字伯尹少儻強學博極羣書政和丙申領鄉貢第建炎初上書謂金讐當復中原可取不報值潰將戚方圍宣州守李光分城守禦友端數出奇謀每匹馬輕裘奮當鋒矢以為眾倡賊平補迪功郎調監池州瞻軍酒庫會盜發鄰郡委友端攝西安尉與賊力戰中流矢卒年四十三詔錄其子雷贈大中大夫友端慷慨報國死所自許周紫芝哀之云勇吞百蠻志存滿展奇禍一作含憤就斃司勳弗賞史官弗記徒使勇士忠臣怒目飲泣為可悲焉 採宣和五年知廣德軍方懋德傳及稊米集合纂

趙汝彞

居嘗善射嘉熙元年通判文州北兵來攻與知州劉銳率軍民七千人晝夜搏戰殺傷甚眾城守踰兩月乏援城中水汲於江會陳昱以失汚編置文州夜出降告敵虛實攻益急一夕移江流數里外銳度不能支集其家人飲藥死城陷銳自刎汝彞提雙刀入陣中十六矢被執先斷其兩臂後鬻殺之事聞汝彞立廟賜諡 宋史劉銳傳

吳寶信

字叔誠柔勝之後以廕為龍泉令時元阿刺罕入臨安寶信從張世傑陳宜中等奉二王如福州復遷泉州港會蒲壽庚亂率淮兵百人力戰死妻饒載烈女傳 大清一統志

唐秦嶽號廣方宋相介後廬州太守濬子也歷仕至樞密宋度宗時京朝官皆領補職嶽遂出節度寧國軍寧國
為臨安一大要隘咸淳九年勅曰用爾筦樞之臣寄茲專閫
之任節制中軍策畫內政又云舒爾寒燧之枕保我林林之
衆嶽於是拊循士卒獨當一面嘗出師采石力戰不克退守
寧國元兵檄降嶽曰世有降節度耶兵漸逼謂夫人李氏曰
元合圍久者下之日屠其城吾何惜一身不存數萬民命爾
宜去新安里居夫入曰死義與死兵等耳妾何之遂同日死
中軍官馬銓募葬之城北崑山後諸子聞訃來以墓在宣不
忍去遂卜居焉上人德之爾其所居里為唐家巷今其苗裔
之在宣者石墳金山星斗鴈翅析為四支最稱蕃衍 元貢
師綱傳畧

按唐秦嶽從前府縣舊志俱佚今從其裔孫以碑刻家譜

呈請補入

元汪澤民

字叔志徽之婺源州人宋端明殿學士藻之七世孫也少警悟家貧力學既長遂通諸經延祐初以春秋中鄉貢上禮部下第授寧國路儒學正五年遂登進士第授承事郎同知岳州路平江州事以母年八十上書願奪所授

寧國府志

卷二十六

人物志

忠節

二

官一等或三等得近地以便養不允南歸奉母之官州民李氏以貧雉其弟死妻誓不他適兄利其財嗾族人誣婦以奸事獄成而澤民至察知其枉為直之會朝廷徵江南包銀府檄澤民分辦民不擾而事集尋遷南安路總管府推官鎮守萬戶采兒赤托故不視事澤民獨捕甲繫之獄采兒赤賂巡檢畏采兒赤托故不視事澤民獨捕甲繫之獄采兒赤賂巡按御史受甲家人誣欲出之澤民正色與辯御史沮作夜竟去乃卒罪王甲湖州府判官錢珍以奸淫事殺推官梁楫事連廣東廉訪副使劉珍坐繫者二百餘人省府官凡六委官鞠問皆顧忌淹延弗能白復檄澤民讞之獄立具人服其明遷信州路總管府推官丁母憂服除授平江路總管府推官有僧淨廣與他僧有憾久絕往來一日邀廣飲廣弟子急欲得師財且苦其繁楚潛往他僧所殺之明日訴官他僧不勝考掠乃誣服三經審錄詞無異結案待報澤民取行兇刀視之刀上有鐵工姓名召工問之乃其弟子刀也一訊吐實即械之而出他僧人驚以為神調西寧路竟州知州孔子後衍聖公襲封職三品澤民建議以為宜陞其品秩以示褒崇宣聖之意廷議從之至正三年朝廷信遠金宋史召澤民赴闕除國子司業與修史書成還集賢直學士階大中大夫未兩月即移書告老大學士和尙曰集賢翰林實養老尊賢之地

先生何為遽去願少留以副上意澤民曰以布衣叨榮三品志願足矣遂以嘉議大夫禮部尚書致任既歸田里與門生故人相往返嬉遊超然若忘世者十五年新黃賊陷徽州時澤民居宣州已而賊來犯宣州江東廉訪使道童推重澤民日就之詢守禦計城得無虞明年長槍軍瑣南班等致來寇城或勸澤民去澤民曰我雖無官守既受國厚恩臨危受死非臣子節留不去凡戰鬪壽書多澤民參決之累收賊兵既而寇益眾城陷澤民為所執使之降大罵不屈遂遇害年七十事聞贈資善大夫江浙行中書省左丞追封譙國郡公諡文節元史本傳

按澤民遇害時有詩云江城欲破竟何為獨有孤臣謹自持罵賊肯教雙膝屈忠臣不顧一身危所著有春秋纂疏行世詩有巢深燕山宛陵三稿長子用敬以子貴封敦武校尉常州路宜興州判官次子用和國子生辟克侍儀司舍人不赴兄弟痛憤不食相繼卒二條分見於元百家詩

寧國府志

卷二十六

人物志

忠節

三

傳及萬歷志特附記

王翁

宣城管軍百戶至正乙未八月長槍軍鎖南班叛攻郡城將陷翁呼弟曰我受國恩遇難當死願老母在汝等宜出避語訖即殺妻子焚其居自勿死元史

張文貴

宣城百戶至正十七年五月明兵下寧國路守將出降文貴仗節被執不屈死妻妾亦俱死一統志康

熙府志同

梅實

宣城人世治春秋為集慶路總管府照磨至正末明兵圍集慶乏援謂友人李端曰事急矣當以死殉國毋令後人謂我不明君臣之義城陷不屈遂闔門自經元史

劉保一保九

皆力絕倫剛果有為元末時劇盜蠶起率眾捍禦鄉里擒賊有功保一勅封萬戶保九信武將軍保九竟沒於陣乾隆府志

明陳迪

字景道宣城人祖宥賢明初從征有功世撫州守禦百戶因家焉迪儻有志操辟府學訓導為郡草賀萬壽

表太祖異之久之以通經薦應官侍講出為山東左叅政多
惠政丁內艱起復除雲南右布政使普定曲靖烏撒烏蒙諸
蠻煽亂迺率土兵擊破之賜金幣建文初徵為禮部尚書時
更修制度沿革損益迺議為多會以水旱詔百官集議迺請
清刑獄招流民凡二十餘事皆從之尋加太子少保李景隆
等數戰敗迺陳大計命督運軍儲已聞變趨赴京師燕王即
帝位召迺貴問抗聲不屈命與子鳳山丹山等六人磔於市
既死人於衣帶中得詩及五噫歌辭意悲烈著頭侯來保拾
其遺骸歸葬妻管縊死幼子珠生五月乳母潛置溝中得免
八歲為怨家所訐成祖宥其死戍撫寧尋徙登州為蓬萊人
洪熙初赦還鄉給田產成化中寧國府知府涂觀建祠祀迺
宏治間裔孫鼎舉進士仕至應天府尹剛鯁有聲 明史本
傳 謹按

欽定勝朝殉節諸臣錄

余逢辰 字彥章燕王府伴讀有學行王信任之以故得聞異
諫言君父兩不可負死之 明史本傳 謹按

欽定勝朝殉節諸臣錄

寧國府志

卷二十六

人物志 忠節 四

賜通諡節愍

萬琛 字廷器貌魁梧性勇於義成化丁酉舉人知靖江縣改
勸其隱避琛叱曰琛去誰與守土遂率兵殺賊二十餘人力
屈被執賊問庫藏琛罵不已遇害時宏治乙丑正月也賊退
得其屍溝中身被劊十六指截三詔贈光祿卿廕一子初琛
遇難次子麟郡諸生伏闕上書以死明父節得贈及廕有司
謂宜錄麟推讓兄麟督學御史蕭鳴鳳重其孝友廕之後
仕光山簿卒官 獻徵錄 大清一統志同

吳仕期 字德望諸生倜儻負氣萬應初張江陵奪情期憤然
人也太平同知龍宗武檳里人相比捕期置獄訊之曰必有
授爾者舉其人當爾貸蓋指沈修撰懋學也期曰男子負剛
腸奮直言肯聽人指授耶榜掠無完膚卒無一語他及宗武
命獄卒囊泔撲其面疾死問者究之萬應辛卯其妻貢與弟
仕朝奔懇南臺御史孫惟誠具疏以聞 欽定勝朝殉節諸臣錄

遠戍勅建仕期夫婦坊後祀鄉賢 乾隆府志

按吳肅公文臺傳畧仕期垂死齧襟嗚咽之拈筆為文自

祭曰凡有正氣斯有正理出生入死二者而已又題壁曰

寶劍埋冤獄忠魂繞白雲作書遺其父母天下聞而悲之

張有德

字養源由太學任福藩工正崇正壬午賊寇雒城有德力為捍禦後被執罵賊遇害河南巡撫蘇京具題

建祠 乾隆府志

沈壽崇

號旭海都督有容子也崇正初武進士累官興都正留守忤巡按李振聲被劾罷未行而賊至遂及於難

贈都督僉事廕一子錦衣百戶 明史本傳 謹按

欽定勝朝殉節諸臣錄 賜通諡節愍

沈壽堯

壽崇弟都督有容子金聲起兵績溪叩祖德與宣城舉人錢文龍諸生麻三衡各舉兵應之時郡城已失

祖德駐華陽三衡駐稽亭盡起者十餘部三衡與吳太平阮恒阮善善長劉鼎甲胡天球馮百家俱起號七家軍皆諸生也

約共攻郡城不克壽堯陣沒三衡軍敗亦死 明史叩祖德傳

寧國府志

卷二十六

人物志

忠節

五

麻三衡

字孟璿布政使溶孫宣城選貢生屯師麻姑山兵潰被執死於市孟璿注名復社遽賦無衣陳安未克生

還狼暉已得死所 朱竹垞明詩綜小傳

吳漢超

宣城諸生崇正十七年聞都城變謀募兵赴難會福王立乃已明年南都覆棄家走涇縣從尹民興起兵

兵敗匿華陽山中先是叩祖德麻三衡諸軍潰保華陽有徐淮者部署之漢超與合連取句容溧水高淳溧陽涇太平諸

縣明年正月襲寧國夜緣南城登兵潰城中按首事者漢超已出城念母在且恐累族人入見曰首事者我也剖其腹膽

長三寸妻戚氏自擲樓下死 明史叩祖德傳 謹按

欽定勝朝殉節諸臣錄 恩准入忠節祠

按順治邑志載吳漢超原名寧公邑諸生住城西南隅丙

戌正月四日結死士逼城夜三鼓縱火鳴戈以衆焚南門

不得逞盡殲其衆翌日按寧公不屈死之明史通鑑輯覽

及宛雅俱作漢趙事實亦與史傳不符兩存之

方召

宣城人晉江山縣事金華被屠集父老告之曰兵且至吾義不當去然不可以一人故致闔城被殃遂封其印

冠帶向北拜赴井死士民為收葬立祠祀焉 明史朱大典傳 謹按

欽定勝朝殉節諸臣錄 賜通謚節愍

徐肇基

字紹先幼穎異好讀古文詞及九州形勢將畧諸書以孝友稱里黨性豪俠赴人急難憤不顧身甲申年

聞國變北向大慟幾絕及麻三衢起兵麻姑山即往共事妻劉南康同知汝芳女也勸之曰天命有歸矣肇基泣然曰吾

惟死耳後從三衢死 乾隆府志

謝國斌

崇正癸酉武舉廣東陽江守備明亡時闔門盡死 乾隆府志

國朝李煌

字仲宣宣州衛人總兵遇文孫順治戊子思貢授萊州推官尋攝膠州順治十年鎮將海時行擁兵叛召司理

予祭葬庶子如玉入監讀書長孫喬庵授四川道義知縣雍正乙巳

寧國府志

卷二十六

人物志

忠節

六

祠祀京師煌被害時妻華年少撫子以節終時隊中有旗鼓司張思選者陝西延安人時行命刃煌思選以刀返擲時行不中並遇害思選僕張俊携幼主逃匿旬日遇煌于道曰爾主今日戰於廟灣囑我善視爾幼主可勿逃也言訖不見明日時行被擒膠人為立憫忠祠 採一統志及山東省志合纂

按嘉慶十一年煌裔孫達仍廕千總在寧國營効力

劉讓

字仲怡從征粵西以軍功授西林知縣康熙辛酉征貴州讓轉餉軍前遇賊於南寧逼脅不從被殺兄謙走萬

里負骸骨歸 乾隆府志

按讓於乾隆二十九年准祀忠義祠

濮陽寧曾

字爾修以材官給遊擊銜從松江提督征耿逆至閩界渡河馬陷歿康熙二十三年照陣亡例

賜卹銀七十二兩

事實冊

王福

定遠人僑寓宣城嘉慶初客江陵值教匪不靖募義勇二百人投營効力累首功官把總屢與賊遇被創遁中

勇氣益奮潛結賊黨吳成樹子吳登元為內應報大營大將軍疑有詐令嘗賊登元果乘夜殺賊應兵無後繼乃以吳登元歸大將軍嘉其功轉一勳旋以追賊中鎗死事聞

詔加等歲卹

賜卹銀三百兩廕一子雲騎尉

南陵縣

元張國岡 至正丙申趙雙刀寇南陵國岡率義兵與戰兵敗被執不屈賊斷其兩膝至死罵不絕口 江南通志

明吳景 字伯陽宏治丙辰進士歷官四川按察司僉事發奸摘賊手殺三人城陷大呼曰寧殺我毋殺百姓被執不屈死之事聞贈按察司副使錄其子鎬宣州衛百戶 江南通志府

縣志 同

劉永合 字符卿崇正末張獻忠破廬州餘賊躡及南陵永合被執罵不絕賊怒截其顛子邑廩生士喬痛哭罵賊賊異之舍去終以哀死 事實冊

寧國府志

卷二十六

人物志 忠節 七

朱懋華 字仲敬崇正癸未進士知浙江定海縣落任數月聞闖賊入京師明社為墟乃北望遙拜自縊於署 江

南通志 謹按

欽定勝朝殉節諸臣錄

施所蘊 字玉壺善教長子以廕授光祿寺丞歷貴闈幕告歸崇正癸未流寇掠縣境人勸其入城避兵不從端坐

中庭指寇大罵叱之跪曰吾膝豈為鼠輩屈耶寇刃其膝仆地罵不絕口遂遭慘戮子焮甫十二歲抱尸哭幾絕寇感動

釋之巡按御史鄭旌曰

氣亘長虹 乾隆府志

劉大京 字君開值鼎革新令至家人委曲諫勸不從慷慨就刑時有劉希邁者亦同日死 同上

國朝孫斌 字淑獻以武進士為福寧游擊耿逆反招斌斬其使飛報督撫請兵合討耿逆怒縛至首斌抗詞不屈發置

興化棄妻子而逃至背嶺山追卒至挺杖交下推墮峻崖腰筋皆折丁巳春 王師下興化斌扶杖謁軍門奉

旨優叙累官夔副將都督同知聞繼母沒求解任

詔特許之武臣丁憂自斌始

按孫斌乾隆府志載武烈江南通志及南陵縣志俱入忠節迹斌行事亦良不愧特改載

涇縣

元 洪文廣

小名省一以薦辟高陽牧三年政平訟息尋擢臺史時桑哥為省臣怙寵擅權文廣首劾之黜為建康道廉訪副使居任歲餘三上疏言朝廷得失桑哥怒矯詔賜死命責首京師鄉人私謚曰忠節 乾隆府志縣志同

明 左光斗

字遺直桐城人萬曆三十五年進士除中書舍人選授御史巡視中城捕治吏部豪惡吏獲假印七十餘假官一百餘人輦下震悚出理屯田條上三因十四議詔悉允行光宗崩李選侍據乾清宮迫皇長子封皇后光斗上言內廷有乾清宮猶外廷有皇極殿惟皇后得居之其他妃嬪不得恒居別尊卑也熹宗善之趣擇日移宮當宮府危疑光斗與楊漣協心建議宸極獲正兩人力為多由是朝野並稱為楊左廷臣議改元光斗請從今年八月以前為萬曆以後為泰昌議遂定出督畿輔學政力杜請寄識鑒如神擢大理丞進少卿明年二月拜左僉都御史是時韓爌趙南星高攀

寧國府志

卷二十六

人物志

忠節

八

龍楊漣鄭三俊李邦華魏大中諸人咸居要地光斗與相得務為危言覈論甄別流品正人咸賴之而妄者浸不能容楊漣劾魏忠賢光斗與其謀又與攀龍共發崔呈秀賊私忠賢暨其黨咸怒及忠賢逐南星攀龍大中次將及漣光斗光斗憤甚草奏劾忠賢及魏廣微二十二斬罪擬十一月二日入光斗名遣使往逮至則下詔獄酷訊許顯純誣以受楊鎬熊廷弼賄漣等初不承光斗秘計曰彼殺我有二法因我不承而酷刑以斃之一也夜半令獄卒潛殺之二也承則當下法司庶有見天之日諸人然其言俱自誣服光斗坐賊二萬忠賢乃矯旨令顯純五日一追比不下法司諸人始悔失計容城孫奇逢者節俠士也與定興鹿正倡議釀金諸生爭應之得金數千謀代輸緩其獄而光斗與漣已同日為獄卒所斃時五年七月二十有六日也年五十一光斗既死賊猶未竟忠賢令撫按嚴追繫其羣從十四人長兄光霽坐累死母以哭子死都御史周應秋猶以所司承追不力疏趣之由是諸人家族盡破忠賢誅贈右都御史錄其一子已再贈太子少保福王時追謚忠毅

按明史本傳光斗桐城人而涇縣志稱光斗實由涇邑遷

桐登科錄尚稱涇邑人今仍之

朱儀 字象先崇正丙子舉人知嘉定州行取入京會流寇張

障遂率眾固守已而賊大至城陷不屈 闔門遇害妻胡見烈婦傳 乾隆府志

徐應第 字及三崇正辛未武進士累官武昌都司十六年張

得死所矣尋被難止 一子僕脫歸 同上

蕭耀 字闇然崇正辛未武進士歷任兩廣總兵大兵下兩粵

蹟微臣血戰孤城裂一朝死報恩遂拔劍自刎妾劉幼子培

俱削髮入空門以終 同上

蕭家駿 字燕良崇正癸未武進士為平望守備順治乙酉閏

家驃撫之成立驃事嫂如 母以一子奉兄祀 同上

吳大鼎 字席儒武庠生為湖撫何騰蛟識拔由守備超遷總

兵鎮荊州尋移岳州順治三年大兵至就擒不屈死

寧國府志

卷二十六

人物志 忠節 九

上 同

朱敏泰 字子顏由吏員歷宣府督糧通判闖賊陷宣府同巡

據花林都後 裔朱氏錄入

趙鶴 或作一鶴字于九邑庠生習技勇諳韜畧乙酉城破跨

馬揮刀出北城格殺數十人沒於陣妻湯載烈女傳

乾隆 府志

劉嘉 字亨父童時即以忠孝自任授徒得館穀養母均諸弟

乙酉城破以母櫬在堂不忍避被執死之 同上

趙大中 字黃吉性忠孝乙酉城將破作書別妻子題詩藏衣

帶中曰生亦報國死亦報國忠蓋靡他生死兩得既

被擒當事憐其才欲用之不屈遂伏法或作赴水死時主兵

驚異汗流因為僧大中所著有有自集同時有沈懋賢者字

德臣出金二橐并穀五百餘石給軍督守北城會尹民興遁

追之不及城陷賢歸題其壁曰空餘一腔血乾坤何處家旋

被執死 同上 謹按

欽定勝朝殉節諸臣錄
恩准入忠節祠

趙初浣

字雪度崇正副榜順治乙酉大兵平江寧浣與邑諸生趙崇雅張載逢趙純仁等迎舊令尹民與據城以

應金聲

城破初浣崇雅純仁及王大新左宜之王日望張一稱張學載俱死 同上

張載述

字又彭邑諸生明末見時事孔棘詣江寧三上樞部史可法書陳足食足兵之計語俱切要順治乙酉借

趙瑋等

集兵守城城破遁走是年大兵下瀘溪載述與其邑貢生魏一柱盡策守瀘後隨永明王於粵西為給事中以阻

孫可望

王封為可望所殺瑋字太璞崇正庚辰歲貢莊烈帝臨雍瑋抗疏陳時弊溫旨採用守城時傾家財贍兵城陷遁

走後仕

閩為兵部郎中閩亡自殺著有芝園文集塔影亭詩草 乾隆府志 謹按

欽定勝朝殉節諸臣錄

張載述以御史同兵科都給事中劉堯珍兵科給事中吳霖以阻封議為孫可望所殺

賜諡烈愍

嚴道正

字魯脈先為溫州磐山衛經歷陞趙府審理後改就武途授守備給副總兵劄平安首有功孔有德攻登

寧國府志

卷二十六

人物志 忠節

十

萊與主將

卒公守城力戰死子幼以姪德忍整守備 據新縣志增

吳之瑜

辰州通判流寇陷州城亂兵裔至漢陽不食死 同上

萬庚

字白叔乙酉城破范雲龍倉卒集眾於城東庚往應之

大兵至雲龍與庚俱被縶會軍中脅留一蒙師作書記已得釋蒙師指庚曰此亦脅留者庚呼曰彼是也我非也我將往白門面責洪承疇負先朝建廟旌忠之恩耳遂解江寧

與金聲等同被刑

乾隆府志

萬麟

字道祥諸生學主程朱闢水西姚江之學值國變遺兄應隆書曰弟任道無力姑以一死塞責遂不食死年二

十五

據

趙崇炫

字孟晦諸生鼎革時薙髮令下自刎死 同上

張學載

諸生與守城城破被執不屈死 同上

鄭繼元

四川崇慶衛經歷告歸城破被執不屈死妾蕭氏亦自刎 同上

翟文術 字無術進士知湖廣平江縣流寇起繕城練卒力守孤城請援莫應以憂憤卒 同上

章希熊 廣東潮州府經歷闖兵至城陷死之 同上

國朝汪化鰲 字魚君由拔貢生歷陝西漢中府同知吳逆陷漢中偏受偽職不從囚繫踰年自經死葦葦漢中城南祀

名宦子鈞以廕知狄道縣 乾隆府志

翟文進 寧國營把總順治十六年海寇犯瓜州文進率兵二百逆擊陣亡 據新縣志增

朱慶錦 永綏協左營守備乾隆三十七年隨征兩金川有功六十年苗亂鎮守鎮總兵明安圖赴鴉西塞勦捕被

困隨永綏副將伊薩納馳救力戰死妻孫氏妾江氏聞訃自縊一門從死者六人事聞

賜恤子安邦授雲騎尉世襲 同上

寧國縣

宋方致堯 邑之方坑人建炎庚戌威方寇寧國致堯率鄉兵伏石嶺隘處使其子登山揮幟為號賊至伏發大破之

寧國府志 卷二十六 人物志 忠節 十一

傷其曰馬將賊益兵至致堯中流矢被執脅之降罵曰我豈從賊反耶賊殺之紹興四年知縣李椿年上其事賜諡義烈

立祠方坑口祀之 大清一統志

楊義忠 字大書寧國縣吏德祐元年五月元伯顏兵攻寧國知縣趙與糖戰死義忠率眾城守凡六十晝夜七月

中率義兵出戰死贈武功大夫 採宋史瀛國公本紀及江南通志合纂

洪文甫 烏程縣尹元末兵變解組歸時紅巾賊起藍木二黨屯丁溪山應賊偏文甫附從不屈扼吭死 乾隆府志

志

明何通泰 字季貞元末嘗倡鄉兵却紅巾賊後寧國既屬明偽吳兵復攻其壘城陷自刎里人為立祠 江南通志

屠紹臯 字士際義英孫崇正元年恩貢八年知湖廣上津縣蒞任數月獻賊圍城竭力守禦城潰被執不屈死

江南通志 謹按 欽定勝朝殉節諸臣錄

賜通諡節愍

張鐫 事桂王為刑科給事中奉國命圖孫可望事洩被殺 謹按

欽定勝朝殉節諸臣錄
賜通諡節愍

汪朝維 字士張乙酉濱卒焚畧近郊維率眾及斃巨寇旋中流矢仆地弟朝繼持湯灌之不救亦被擒 縣志

錢文龍 舉人應金聲敗死

馮百家胡天球劉鼎甲阮善長阮恒吳太平 俱生員應麻三衛敗死 謹按

欽定勝朝殉節諸臣錄以上七人皆蒙
恩准入忠節祠

國朝許士縉 字爾明勇敢善騎射由行伍積功歷任廣東副總兵會征勦巡城順治丁亥九月中砲卒 乾隆府志

旌德縣

宋鮑琢 剛直好義宣和中方臘寇寧國琢糾義兵擊破之後賊張遇逼宣黃池州守呂好問檄諸邑兵入衛眾推琢為首以禦寇功補承信郎又明年賊盧進寇涇琢率兵力戰中

石辛 大清一統志

寧國府志 卷二十六 人物志 忠節 十三

周真 字子繼咸淳中奉文丞相天祥劄授本縣尉同邑宰趙時賞守縣元兵壓境力戰死之士人至今廟祀萬歷中

直指唐鍊疏請旌忠建坊乾隆六年崇祀忠孝祠 大清一統志通志府邑志同

明饒鼎 字象台天啟舉人知蒲臺縣崇正十五年城陷不屈死御史旌其門曰烈尹 江南通志 謹按

欽定勝朝殉節諸臣錄
賜通諡節愍

按縣同死者諸生王晉族人饒見可雍正間旌德令饒萬

鑑題詩有三槐義士盟蘭譜一姓貞操共鐵腸之語

劉統 字君常喬亭人睥目鐵面長身修臂善騎射投監軍道知其將才授守備隨征流賊時江左福王監國拜左懋

第兵部左侍郎右僉都御史使北統晉秩都司與同官張良佐王廷佐及兵部司務陳用極游擊王一斌從行俱以不降

誅統妻趙詳烈女 乾隆府志

太平縣

宋王行之

字才仲為婺州士曹宣和三年方臘黨寇婺州守臣皆遁去行之曰吾刑官也分當死職遂遇害贈通直

郎 清一統志大

明李誠

父惟二客蕪州因家焉登元進士除本縣尹遂復本宗時徽饒盜起率兵戰捷陞元帥丁酉納土歸附賜繡衣

銀碗從征江州大呼陷陣死太祖遣官致祭猶子勝原善兵法工詩歌為幕下總管 縣志

汪文炳

字炳叔明太祖渡江隨孫安入見授秘書典籤請解稱旨遷都昌知縣陳友諒來攻援絕被執賊欲官之

抗詈而死 採一統志及江南通志合纂

胡泰亨

字仕通習易居南市明太祖下寧國充貢補進士授庫官以親老乞終養洪武初召至金陵答制十二條

上嘉納之造兄臨亨犯法當死泰亨以兄未有子揭請代部奏以義免割耳示法尋召鎮守安南值寇圍城急慨然曰賊勢如此豈可坐困某願潛縱請救夜出城百餘里為賊伏所執搜得請師救書脇之降不屈遂被害後歸葬龍門黃石灘

府志 乾隆

寧國府志

卷二十六

人物志 忠節

三

崔守義

山掾吏官湖廣鄰縣尉崇正十六年李自成陷承天旁畧州縣城破被殺妻胡氏絜幼子扶櫬歸 縣志

王一斌

崇正庚辰進士 福王監國我

大清兵連破李自成朝議遣兵部侍郎左懋第與左都督陳宏範太僕少卿馬紹愉通好一斌以游擊從行入都館於太醫院順治二年閏六月懋第聞南京失守慟哭不降誅一斌與劉統等俱死

按王一斌死事見明史左懋第傳乾隆府志獨載旌德之

劉統不載一斌今增入

陳易

字有功以字行工書善詩少從父遊河南藩邸識內院金聲甚加賞契崇正丁丑武進士授杭州守脩梓潼要

歸順治二年金陵陷聞休寧左僉都御史金聲糾聚義勇保績溪黃山分兵扼六嶺有功遂糾集義兵台聲通表唐王授副將拔旌德寧國諸縣攻石埭陷陣死聲為文祭之 遺對輯覽 謹按

欽定勝朝殉節諸臣錄 賜通諡節愍

牛論以材官事左懋第甲申秋左公奉使論隨行十月劄授
把總十二月劄授千總獎云技勇兼人從行已久勤勞
不怠忠義愈堅乙酉夏劄授都司又獎云心存忠義始終不
渝閏六月左公及王劉諸公盡節論亦自刎死從行者攜其
劄歸標判皆用藍左公有母憂
故也子孫至今寶之

按明史左公以三千人護行至張家灣

本朝傳令許百人入都門云云南都沒於五月左公死節於又六

月十二日則前六月之劄固無疑也以左公之忠義而牛
論見許節概可知惜其死正史無明文不敢直載茲從邑

志補入

張廷豹字炳文崇禎癸酉武舉人効力巡按麾下以材勇聞
後歸值左僉都御史金聲起義績溪廷豹與陳有功
應之有功戰死石球廷豹退
保密崖關關破死事實册

寧國府志

卷二十六

人物志

忠節

十四

崔騰鯉

貢生任松江府學訓導

王師下各官望風委印走騰鯉集印七端服坐明倫堂兵至被執
主帥重其節諭之曰爾肯降七印惟所擇騰鯉曰吾守死非
守印也刀鋸鼎鑊惟所命與
其子善生俱死之同上

孫大錡

由禮部儒士官羅田縣巡檢守要塞流賊攻圍不降
食盡死逾年家人聞變往尋遺骸白骨縱橫間見臂

間有繫巡檢印者
乃載以歸縣志